

大廣益會玉篇一部 并序

凡三十卷

梁大同九年三月二十八日黃門侍郎兼太學博士顧野王撰本唐上元元年甲戌歲四月十三日南國處士富春孫強增加字三十卷凡五百四十二部舊一十五萬八千六百四十一言新五萬一千一百二十九言新舊摠二十萬九千七百七十

言 注四十萬七千五百有十字

昔在庖犧始成八卦暨乎蒼頡肇創六文政罷結繩教興書契天粟晝零市妖夜哭由來尚矣爰至玄龜龍馬負河洛之圖赤雀素鱗標受終之命鳳羽爲字

東京大學
東洋文化研究所所藏
漢籍善本全文影像資料庫

書名 大廣益會玉篇三十卷 康熙四十三年序張氏澤存堂刊本
撰者 宋 陳彭年 奉敕重修玉篇，宋 陳彭年 奉敕撰廣韻
卷 卷首
內容分類 經-小學-各體字書-梁
索書號 倉石10505
編號 148400

[彩色首頁1](#)

[東洋文化研究所漢籍目錄 編號: 148400](#)


[東洋文化研究所漢籍目錄所藏漢籍善本全文影像資料庫 索書號: 倉石10505](#)

[漢籍善本全文影像資料庫文本大廣益會玉篇三十卷 康熙四十三年序張氏澤存堂刊本](#)

版權所有: [東京大學 東洋文化研究所](#)

[使用上的注意事項](#)


0 1 2 3 4 5 6 7 8 9 20 1 2 3 4 5 6 7 8 9 3



張氏重刊

宋本玉篇

澤存堂藏板



重刊玉篇序

小學之重于古久矣周官保氏掌養國子教之六書漢制太史試學童能諷書九千字以上乃得爲吏吏民上書字或不正輒舉劾自凡將元尚滂喜諸篇均失其傳而爰歷博學爲閭里書師所合入之倉頡篇中許慎據以撰說文解字古本部分自一至亥者是已顧氏玉篇本諸許氏稍有外降損益迨唐上元之末處士孫強稍增多其字旣而釋慧力撰象文道士趙利正撰解疑至宋陳彭年吳銳丘雍輩又重修之於是廣益者衆而玉篇又非顧氏之舊矣予寓居吳下借得宋槧上元本于

毛氏汲古閣張子士俊請開雕焉梨棗之材尺幅之度
臨撫讎校之勤不舍晨暮并取繫傳類篇汗簡佩觿諸
書推源析流旁稽曲證逾年而後成書爰屬予序其本
末以予思之學奚小大之殊哉毋亦論其終始焉可也
講習文字于始窮理盡性官治民察要其終未有不識
字而能通天地人之故者宋儒持論以灑埽應對進退
為小學由是今之塾師說文玉篇皆置不問兔園冊子
專攷稽于梅氏字彙張氏正字通所立部屬分其所不
當分合其所必不可合而小學放絕焉是豈形聲文字
之末與推而至于天地人之故或窒礙而不能通是學

者之所深憂也孫氏玉篇雖非顧氏之舊然去古未遠
猶愈于今之所行大廣益本玉篇復上元本而古之小
學存焉矣康熙四十有三年六月既望 南書房舊史
秀水朱彝尊序時年七十有六

大廣益會玉篇一部

并序

凡三十卷

玉篇

梁大同九年三月二十八日黃門侍郎兼太學博士顧野王撰本唐上元元年甲戌歲四月十三日南國處士富春孫強增加字三十卷凡五百四十二部舊一十五萬八千六百四十二言新五萬一千一百二十九言新舊總二十萬九千七百七十一言

注四十七千五百有三十

昔在庖犧始成八卦暨乎蒼頡肇創六文政罷結繩教興書契天粟晝零市妖夜哭由來尚矣爰至玄龜龍馬負河洛之圖赤雀素鱗標受終之命鳳羽為字

掌理成書豈但人功亦猶天授故能傳流奧典鈎探
至蹟揚顯 聖謨耀光洪範文遺百代則禮樂可知
驛宣萬里則心言可述授民軌物則縣方象魏興功
命衆則誓威師旅律存三尺政仰八成聽稱責於附
別執士師於兩造勒功名於鍾鼎頌美德於神祇故
百官以治萬民以察雕金鏤玉升崧岱而告平汗竹
裁縑寫憲章而授政莫不以版牘施於經緯文字表
於無窮者矣所以垂帷閉戶而覲遐年之世藏形晦
跡而識遠方之風遵覽篆素以測九垓則靡差膚寸
詳觀記錄以游八裔則不謬毫釐鑿水鏡於往謨遺

元龜於今體仰瞻景行式備昔文戒慎荒邪用存古
典故設教施法無以尚茲經世治俗豈先乎此但微
言既絕大旨亦乖故五典三墳競開異義六書八體
今古殊形或字各而訓同或文均而釋異百家所談
差互不少字書卷軸舛錯尤多難用尋求易生疑惑
猥承明命預續過庭總會衆篇校讎羣籍以成一家
之製文字之訓備矣而學慙精博聞見尤寡才非通
敏理辭彌躋既謬先蹤且乖

聖旨謹當端笏擁篲以俟嘉猷 啓竊聞兩儀倂啓
九皇始君情性初動有巢肇制三聖代立十紀遞興

龍牒浮河龜書起洛八卦既陳六爻攸敘篆素之流
是焉而出至於精課源妙求其本始末學敷淺誠所
未詳雖復研考六經校讎百氏殊非庸菲所能與奪
謹依條例同異具以上呈伏惟 聖皇馭寓膺錄受
圖德尚昊軒功超嫵姁通妙廣運乃聖乃神經天曰
文止戈為武百工維理庶績咸熙勸以九歌撫之八
柄修文德以來要服舞干戚以格有苗是故仁風所
扇九服蒙靈正朔可班四荒懷德取衣雒樹則肅慎
識受命之興夷波海水則越裳知聖人之德豈但中
和樂職近播岷峨德廣所覃旁流江漢殿下天縱岳

峙叡哲淵凝三善自然匪須勤學六行前哲寧以勞
喻是以聲覃八表譽決九垓規範百司陶鈞万品猶
復畱心圖籍俛情篆素糾先民之積謬振往古之重
疑簡冊所傳莫令比盛野王沾濡

聖道沐浴康衢不揆愚淺妄陳狂狷徒夢收腸終當
覆瓿空思朱墨燿必無傳悚悻交心罔知攸錯謹啓

玉篇上十卷

凡一百三十七部

卷第一 凡八部

一 於逸切

上 市讓切

示 時至切

二 而至切

三 思甘切

王 禹方切

玉 魚錄切

玉 古岳切

玉 第七

玉 第八

玉 第六

玉 第六